

مستطابق

میلکمزہ موافق آثار جدیدہ مع المنونہ قبول اولنور
درج ایدین آثار اعادہ اولنور

نظار:

درسعادتہ یکی پوستخانہ قارشوسندہ
دائرة مخصوصہ در
محل اراره:

دین، فلسفہ، ادبیات، حقوق و علوم دین باحث ہفتہ لق رسالہ در

درسعادتہ نسخہ سی ۵۰ پارہ در

قیریلہ دن مقوا بورو ایلہ کوندریلیرسہ سنوی
۲۰ غروش فضلہ آلتیر.

درسعادتہ پوستہ ایلہ کوندریلیرسہ ولایات بدلی اخذ اولنور.

تاریخ تاسیسی:

۱۱ نوموز ۱۳۲۴

مؤسسلری: ابو العلاء زین العابدین - ح. اشرف ادیب

سنہ لکی القی ایلمی

۳۵ ۶۵

۵۰ ۹۰

۵۵ ۱۰۰ غروشدر.

درسعادتہ

ولایتہ

ممالک اجنبیہ در

برنجی سنہ

۲۲۶ رمضان ۵ پنجشنبہ ایلول ۱۸ ۳۲۴

عدد: ۶

تفسیر شریف

رَبِّ الْعَالَمِينَ :

کافہ عوالم حسیہ و غیبیہ نک مربی حقیقیسی ، مدبر اموری .
مالک مطلق .

« رب » تربیہ مناسبہ مصدر در . مربی و مالک معناسنہ نقل اولنورق
جناب باری تعالیٰ اطلاق اولنمقده در . « تربیہ » تدریج صورتیلہ برشیئی کال
لایقنہ تبایغ و ایصال ایتکدر . (رب) لفظی اضافتہ تقیید ایدلمدکجہ مخلوقہ
اطلاق اولنماز . اما تقیید ایله جائزدر : رب الدار ، رب السلم کبی .
بعض ائمہ لغت « رب » کلمہ سنی صفت مشبہہ قلمشدر . بوصورتہ
(رب ، یرب ، ربا ، فهو رب) دیو تصریف اولنور . بعضاً صفت
ایله مصدر بروزندہ کلیرلر .

مصدرلر بلا نقل دخی اتصافده مبالغہ قصدیلہ موصوفہ اطلاق
اولنورلر . مثلاً عدل ایله انصافده مبالغہ افادہ سی ایچون عادل اولان کسه
عدل مجسم اعتبار اولنورق عدل تسمیہ اولنور .

بناء علیہ بیضاوی مرحوم : تربیہ سبحانیہ نک غایہ کالہ رسیدہ اولسنی
اشعار ایچون تربیہ معناسنہ (رب) ایله توصیف اولنمشدر ، دیور .
سؤال : اجزای عالمہ بعض شیلر کورلمکده درکده دها واصل رتبہ کال
اولمده دن فنا بولورلر . بوطاقم شیلر حقندہ تربیہ کالیہ تحقق ایتدیکی حالده
(رب العالمین) نظم جلیلندن مستفاد اولدینی وجهله بتون عوالم کونیہ
مظهر تربیہ الہیہ قلمق نصل صحیح اولور ؟

جواب : تربیہ الہیہ انواع و اجناس عوالم حقندہ تحقق ایتکده ،
کائناتک هر نوعی غایہ کالنه ایصال اولنمقده بولندینی قابل انکار دکدر .
بناء علیہ « العالمین » دهکی استغراق وعموم انواع اعتباریلہ اخذ اولنمقده
سؤال مذکور اصلاً توجہ ایتز .

اما هر نوعك بتون افرادینه تشمیل اولنورسہ کال نوعی نک مراتب
متنوعه سی اولوب بعض افراد ، غایہ کالہ واصل اولیورسده تکملک
بعض مراتبی احرازدن خالی قلماز دیه توجیه اولنور .

« عالمین » « عالم » ک جمعیدر .

« عالم » خاتم کبی غیر قیاسی اولان اسم الت صیغہ لرندن اولوب
« ما یعلم به » معناسنہ در . عرفاً صانع ذوالجلال تعالیٰ و تقدس حضر .
تلمینک بیلنسنہ مدار اولان بتون اعیان و اعراض اشیایہ ، بالجله
ماسوی الہمہ شاملدر . [اما ذات و صفات سبحانیہ عالمہ داخل قلماز]
زبرا بتون کائناتک حائر اولدینی امکان صفتی اقتضاسنجہ جیع
اوصاف و احوالندہ واجب الوجودہ افتقاری اولقی ضروریدر . بناء علیہ
عالمک هر جزئی مؤثر حقیقینک وجود و وحدانیتند و بالجله کالات قدسیہ
سبحانیہ سنہ شهادت ایتکده در .

« عالمین » نک بومقامده جمع صیغہ سیلہ ایراد بیورلسی « عالم » عنوانی
تحتندہ مندرج بولنان محسوس و معقول بوتون اجناس مختلفہ شمولنه
تنصیص ایچونددر . چونکہ (رب العالم) دنیاسہ و ہلہ مشہودمن
اولان یالکمز بوعالم محسوسہ صرف اولنقی احتمالی اولور .

عالمہ داخل بولنان ذوی العقولک اشرفیتنہ مبنی اوصاف سائرہ
عقلا کبی « عالم » دخی جمع مذکر سالم صیغہ سی اوزرینہ جمعلنشددر .

بعض علما « عالم » سی عالم کبی تلقی ایدہرک ملائکہ کرام ایله ثقلینندن
(انس و جن طائفہ سندن) عبارت ذی علم اولان مخلوقاتہ تخصیص
ایتشلرددر . بوصورتہ تربیہ الہیہ نک دیگر انواع عالمہ شمولی استنباع
طریقیلہ مستفاد اولور .

بعض ارباب تفسیرده (عالمین) ایله بالخاصہ نوع انسان مقصود
اولسنہ ذاہب اولنلرددر : چونکہ کبیر افراد انسانیه نک هر بری عالم

کیرده کائن بالجه جواهر و اعراضك بر نمونه و مثالی حاوی بولندی جهته
بر عالم صغیر اولوب امان نظرله کندیسنه باقیله حق اولسه کالات قدسیه
سبحانییه شهادت باینده کافی کوریلور، آفاق ایله استدلاله حاجت
قالز .

عالم صغیر ایله عالم کبیر بیننده متحقق اولان اشو تساوی دلالتله
مبنی بر آیت کریمه ده (سزیهیم ایتنا فی الافاق و فی انفسهم حتی یتبین لهم
انه الحق) بیورلمش، عمل آخرده دخی بر چوق آیات ارضیه و سماویه
تعداد و بیساندنصره بولنلرک کافه سنی خلقت بشریه نک اجالا محتوی
اولسنه ارشاد مقامنده (و فی انفسکم افلا تبصرون) وارد اولمشدر .

استنباط

(رب العالمین) نظم کریمی تربیت کرده جناب پروردگار اولان
بتون کائناتک حال حدوثلرنده محدث و خالقه مفقور بولندقلری کبی مدت
بقالرنده دخی مبنی به محتاج اولملرنی اشعار ایتمهکده در، زیرا ذکر اولان
معناجه برشی تربیه ایتک اونی اولاً خلق و ایجاد، ثانیاً حد تکمیلی
بولنجهیه قدر وجودینی ادامه به توقف ایدر، اصلا دأثره وجوده کیرمیان
امر معدوم ایله زوال و اختلالدن محفوظ اولمیان شیتک قابل تربیه
اولیه جنی آشکاردر .

دیمک اولور که ربوبیت وصف جلیلی خالقیت صفتی متضمن
اولدقدن بشقه بتون عوالمک هر آن وزمان بر آورده تدبیر سبحان اولملرنی ده
احتوا ایتمهکده در .

ایشته بو نکتهیه مبنی (رب العالمین) عنوان اقدسی «خالق
العالمین» کبی کافه شئونات الهیهیه مفید اولمیان تعبیرات اوزرینه فن
بلاغت اربابی نظرنده ترجم اولنور .

تقریر

(رب العالمین) نصب ایله ده قرائت اولنمشدر . بو قرائته کوره
حرف ندا حذفیله (یا رب العالمین) یا خود «نحمد» محذوفنه مفعول
اوله رق «رب العالمینه جدو ثنلر ایدرز» معناسنه جلی اولنور . فعل
ماضی اعتبار اولنهرق «العالمین» مفعولی قلنقده جائزدر . بو صورته
«قد» تقدیر یله جمله حالیه اولور .

مناسرتی اسماعیل مفی

صفحات حیاتدن :

مصیر

کچنده یا یلا جوارنده براوفاق جولان

بهانه سیله ، بزم اسکی آشنالردن

بر عطارک آزیحق کیتک ایستدم یانه ،

که هر زمان بنی دعوت ایدردی دکانه .

براز مصاحبه دن صکره سوکدی مشتریلر :

— ویر آوردن اون پاره لق زنجفیل، چورک اوتی، بیر .

کچنکی بش پاره بورجه اون بش ایتدیعی ؟
— سلیک بویکرمیلک آلام .

— اوزاته کور ایشمی !

— اوغل، چابوق .. بکا تیرق .. اوقونش اولمی ها !

بزم چو جق ، آدی باتسون ، بیلا بقی اولمش ..

— یا ؟

— زوالینک بوزی هوت طاغی ! کلوب بی یول کورسه ک ..

— کچرخانم ، اوکا لکن نفس ده ایتدیرسن ...

— بی یکر میلک پاکت اما کچنکی توزدی بتون ..

— آبول، هپ ایچدی کمز توز .. بوزولدی اسکی توتون !

— افندی عمجه ، سانیزور .. برازده بال موی کس ..

— قیزم پاره یله اولور ها ! بشینجی باق هر کس .

بشر اونر پاره لر هپسی یا قلا شوب دلیکه ،

سوزولدی لر اورادن بر کلیدی حکمجهیه .

ایچه فاصله دن صکره کلدی بشقه بری :

کنشجه بر حصیرک وارمی ؟ نه یسه هم دکری ،

جنازه صارمق ایچوندر ، اذیت ایتمه صاقین ..

بزم محله ده چوقدن یا تال اوخته قالدین

بو کون، صباحلین آرق جهاندن ال چکمش ..

نه چاره ! قسمتی بر بویه کونده اولشکمش .

یائنده کیمسه ده یوقش .. آمان براق نه یسه ..

اجل کلنجه ها واش ، ها اولماش کیمسه !

— طقوز غروش شو حصیر ، سزکوز ویرک هایدی ..

پازارلق ایتیمه لم بر غروش ایچون شیدی !

حصیر بو کولدی، اوموزلاندی، طالیدی برسوقاغه ،

صوقولدی کیم بیلیر اوردن ده هانکی بر بوجاغه .

آچیلدی براولوی صارمق اوزره سینهنه ،

قاپاندی دفتر عربشر مثالی ینه !

اولوب بش اون کشی به بار دوش استقال ،

مزارلک یوانی طوتندی اولیه صامت ولال .

مزارجینک او کورک یوزلی دست لاقیدی

اعانه سیله نهایت مزاره یاصلاندی .

هجوم محنت پیدر یله دنیانک ،

حیاتی بریغین آلام اولان زوالی قالدین

حصیر پارهیه اورتوندی ، قبرینه ایددی ..

انین روح ملولی مؤبداً دیندی !
